



Nr. Prot. 271

Tiranë, më 22/7/24

**Kriteret dhe Procedurat e Pranimi për Shtetas Shqiptarë
në Programin e Studimit "Bachelor" në *Ekonomi Ndërmarrjeje*
Raundi i parë, viti akademik 2024- 2025**

Programi e studimit "Bachelor" në *Ekonomi Ndërmarrjeje* ka një kohëzgjatje prej 3 vitesh akademike dhe zhvillohet në gjuhën italiane.

I. Kuotat dhe kriteret e pranimi

Për vitin akademik 2024 -2025, në raundin e parë, në dispozicion të kandidatëve shtetas shqiptarë janë **60 kuota** për programin e studimit "Bachelor" në *Ekonomi Ndërmarrjeje*.

Përzgjedhja e kandidatëve do të bëhet nëpërmjet llogaritjes së mesatares së përgjithshme të shkollës së mesme.

Kandidatët duhet të plotësojnë kriteret e mëposhtme:

- të kenë Diplomë të Shkollës së Mesme;
- plotësojnë kriterin e notës mesatare të përcaktuar me Vendim të Këshillit të Ministrave VKM nr. 436, dt. 03.06.2020 i ndryshuar me VKM nr. 46 dt. 27.01.2021 sipas së cilit nota mesatare për t'u pranuar në programet e studimit të ciklit të parë dhe në programet e integruara të studimeve të ciklit të dytë, në vitin akademik 2024- 2025, **duhet të jetë e barabartë ose më e madhe se 6.5;**
- nuk duhet të jenë të regjistruar në programe të tjera studimi.

II. Aplikimi

Për të aplikuar në raundin e parë, kandidatët duhet të përzgjedhin në portalin online U-Albania: <https://ualbania.arsimi.gov.al/> programin e studimit "Bachelor" në *Ekonomi Ndërmarrjeje* të Universitetit Katolik "Zoja e Këshillit të Mirë", **në datat 30 korrik deri në 4 gusht 2024.**

Kandidatët do të renditen sipas mesatares së përgjithshme të shkollës së mesme duke ndjekur rendin zbritës. Lista e renditjes së kandidatëve do të afishohet në ambientet e Universitetit dhe do të publikohet në faqen zyrtare: www.unizkm.al **në datën 25 gusht 2024.** Lista e renditjes sipas kriterit të notës mesatare të raundit të parë do të publikohet edhe në portalin U-Albania.

III. Regjistrimi/matrikullimi

Kandidatët që janë shpallur fitues të raundit të parë duhet të regjistrohen pranë Sekretarisë Mësimore **në datat 30 gusht- 13 shtator 2024.** Sipas Udhëzimit nr. 12, dt. 30. 06. 2023 të Ministrisë së Arsimit dhe Sportit (MAS) kjo periudhë është e ndarë në 7 faza. Çdo fazë zgjat 48-orë. *Kandidatit të shpallur fitues, i dërgohet një e-mail nga Sekretaria Mësimore ku i komunikohen dokumentet e nevojshme për regjistrim dhe afati 48 orësh për të kryer regjistrimin.* Nëse ndonjë prej atyre që pranohen në listën e renditjes nuk



regjistrohet në kohë, ai humbet të drejtën e regjistrimit dhe Sekretaria Mësimore thërret automatikisht kandidatin e parë të listës nga jofituesit, i cili është gjithsesi i përshtatshëm (d.m.th. në posedimin e kushteve të përmendura në pikën I më lart). Në rast të mos regjistrimit të mëtejshëm, procedura e lëvizjes së listës së renditjes do të vijojë deri në përfundimin e vendeve në dispozicion, duke përfunduar në datën **13 shtator 2024**. Nëse pas përfundimit të listës së renditjes, do të mbeten ende kuota të paplotësuara dhe nuk do të ketë kandidatë në pritje, do të rikthehen në garë kandidatet e shpallur fitues të cilët nuk janë paraqitur për regjistrim (që nuk rezultojnë të regjistruar në programe të tjera studimi). Kandidatët fitues në një program studimi, të cilët nuk janë regjistruar sipas afateve të raundit të parë, humbasin të drejtën për t' u regjistruar në këtë raund, por kanë të drejtën që të plotësojnë formularin e aplikimit të raundit të dytë.

Për t'u regjistruar, kandidatët e shpallur fitues sipas renditjes së notës mesatare (ku do të përfshihen edhe kandidatët që konsiderohen të përshtatshëm për t'u pranuar në rast të mosregjistrimit të fituesve), duhet të dorëzojnë pranë Sekretarisë Mësimore personalisht ose nëpërmjet përfaqësuesit të autorizuar me prokurë nga ana e tyre, dokumentacionin e mëposhtëm:

- Mandatpagesë nga Banka për shlyerjen e kështit të parë ose të kështit të plotë¹ të tarifës vjetore të studimit (Urdhërpagesa për t'u paraqitur në bankë shkarkohet nga portali studentit: portal.unizkm.al, zëri "Tariffë");
- Kopje të njëhësuar me origjinalin të Diplomë së Maturës Shtetërore/ Dëftesës së pjekurisë ose të një diplome studimi të fituar jashtë vendit dhe të njëhësuar nga QSHA- ja, së bashku me çertifikatën përkatëse të notave.
- Raport mjeko-ligjor që vërteton aftësinë për të ndjekur studimet;
- Vërtetim banimi;
- Certifikatë familjare;
- Fotokopje e një dokumenti identifikimi të vlefshëm (kartë identiteti ose pasaportë);
- Dy fotografi, format dokumenti.

Gjithashtu pranë Sekretarisë Mësimore do të plotësohen:

- Kërkesa e regjistrimit (kërkesa mund të shkarkohet edhe nga portali studentit: portal.unizkm.al);
- Deklarata e paraqitur në Shtojcat nr. 1 dhe nr. 2 e Udhëzimit nr. 12 dt. 30. 06. 2023 përkatëse;
- Kontrata e regjistrimit;

Në momentin e regjistrimit kandidati duhet të ketë njohuri të mjaftueshme të gjuhës italiane, pasi pranë Universitetit do të kryejë një testim mbi njohjen e gjuhës italiane.

IV. Procesi i çregjistrimit

Kandidati ka të drejtë të çregjistrohet vetëm **në datat 14- 15 shtator 2024**. Ai paraqet një kërkesë për çregjistrim pranë Sekretarisë Mësimore duke tërhequr dokumentet e dorëzuara. Nëse ky veprim nuk kryhet në këto data, ai nuk ka të drejtë ta ndryshojë programin e studimit për këtë vit akademik. Çregjistrimi kryhet në portalin U-Albania dhe pranë Sekretarisë Mësimore.

¹ Në rastet kur kandidati plotëson kushtet e parashikuara në Rregulloren e Tarifave për përfitimin e bursës vjetore, detyrimi i tij do të jetë në përputhje me tarifën e mbetur



UNIVERSITETI KATOLIK
ZOJA E KËSHILLIT TË MIRË

Rektori

Leonardo Palombi

Prof. Leonardo Palombi

